

Arkivnr: 2018/13165-10

Saksbehandlar: Solveig Lohne Rongved, David Aasen Sandved

**Saksframlegg****Saksgang**

Utval	Saknr.	Møtedato
Utval for kultur, idrett og regional utvikling		04.12.2018

**Bevaringsprogram for utvalgte arkeologiske kulturminne (BARK) - Prioritering av søknader til Riksantikvaren 2019****Samandrag**

Bevaringsprogram for utvalgte arkeologiske kulturminne (BARK) er ei nasjonal satsing på skjøtsel og tilrettelegging av kulturminne i regi av Riksantikvaren og fylkeskommunane. I sak 280/12 november 2012 vedtok Fylkesutvalet ei prioriteringsliste for BARK-ordninga. Det er krav om at kulturminne står på denne lista for å søkje midlar frå ordninga. Informasjon om tilskotsordninga ligg på fylkeskommunen sine heimesider. I sak 248/14 oktober 2014 vedtok fylkesutvalet ei regional tilpassing av tilskotsordninga med betre lokal forankring.

For 2019 har Hordaland fylkeskommune mottatt seks søknader på til saman kr **161.500,-** frå fire kommunar og to lag/organisasjonar, fordelt på seks ulike kommunar. Søknadsfrist til Riksantikvaren er 15. januar 2019.

<b>Generelt</b>	
Budsjett	Midlar til ordninga vert tildelt gjennom statsbudsjettet kap. 1429 post 70.
Søknadsfrist for tildeling	1. november.
Vedtatt kriteria	Kriteria fastsatt av KIRU (før KURE) 7.10.2014, <a href="#">sak PS 248/14</a> .
Informasjon om ordninga	<a href="https://www.hordaland.no/nn-NO/kultur/kulturminnevern-og-museum/tilskot-til-skjotsel-og-tilrettelegging-av-arkeologiske-kulturminner-bark/">https://www.hordaland.no/nn-NO/kultur/kulturminnevern-og-museum/tilskot-til-skjotsel-og-tilrettelegging-av-arkeologiske-kulturminner-bark/</a>

<b>Tilråding av søknader til Riksantikvaren 2019</b>	
Tal på søknader	6 søknader
Tal på søknader som er tilrådd stønad	6 søknader
Samla sum søknader	161.500,-
Tilrådd omsøkt til Riksantikvaren	161.500,-

**Fylkesrådmannen sine overordna kommentarar til innstillinga:**

Alle dei innkomne søknadene fyller kriteria for ordninga. Det er i år søkt om fleire mindre prosjekt, som alle vil ha god effekt på formidling eller for å moglegheita for bruk av kulturminne.

## Forslag til vedtak

1. Utval for kultur, idrett og regional utvikling reviderer vedteken prioriteringsliste for Bevaringsprogram for utvalgte arkeologiske kulturminne til å inkludera følgende kulturminne:
  - Kulturminne på Aganeset, Ullensvang kommune Askeladden ID 229190 m.fl.
  - Ferdslveg, del av Nordmannsslepa, Ulvik kommune Askeladden ID 108369
  - Gravhaug på Fløen, Bergen kommune Askeladden ID 113867
  
2. Utval for Kultur, idrett og regional utvikling sender alle innkomne søknader vidare til Riksantikvaren med likestilt prioritering.
  - Vollane i Bergen kommune
  - Skipshellaren i Vaksdal kommune
  - Skaganeset/Kvalvågen i Sund kommune
  - Kulturminne på Aganeset i Ullensvang kommune
  - Kulturminne på Seim i Granvin kommune
  - Del av Nordmannsslepa i Ulvik kommune

Ingrid Kristine Holm Svendsen  
kst. fylkesrådmann

Per Morten Ekerhovd  
kst. fylkesdirektør kultur og idrett

*Saksframlegget er godkjent elektronisk og har derfor inga underskrift.*

### Vedlegg

- 1 BARK 2019 - Omtale og vurdering av søknadene

## Fylkesrådmannen, 15.11.2018

### Bakgrunn

Bevaringsprogram for utvalgte arkeologiske kulturminne (BARK) er ei tiårig nasjonal satsing på skjøtsel og tilrettelegging av kulturminne i regi av Riksantikvaren, med midlar frå statsbudsjettet kapittel 1429 post 70. Fylkeskommunane, Sametinget og landsdelsmusea har høve til å søkje om midlar til dokumentasjon, skjøtsel og sikring, formidling, tilrettelegging og FoU-prosjekt frå ordninga.

### Målet med Bevaringsprogram for utvalgte arkeologiske kulturminne

BARK har som målsetning at minst 450 kulturminne og kulturmiljø skal vera tilrettelagt innan 2020. Dette talet tar utgangspunkt i talet på kommunar og fylker då ordninga vart oppretta. Ideelt sett skal det leggjast til rette eit arkeologiske kulturminne og kulturmiljø i kvar kommune, samt eit større tilretteleggingsprosjekt per fylke.

Det er krav om 50% eigenfinansiering for tilskot gjennom BARK. Dugnad og kommunal eigeninnsats gjennom administrasjon, med meir, kan inngå som eigenfinansiering.

### Prioritering av BARK i Hordaland

I 2012 vart det utarbeidd ei prioriteringsliste over kulturminna som er aktuelle for skjøtsel og tilrettelegging i Hordaland. Kommunane vart inviterte til å koma med innspel til lista, og Fylkesutvalet vedtok prioriteringa i sak 280/12 21.11.2012. Då Fylkesutvalet i sak 248/14, 30.10.2014 vedtok nye fylkeskommunale søknadsprosedyrer for BARK for å forankra prosjekta betre lokalt, vart det utarbeidd søknadsskjema, retningslinjer og informasjon om ordninga for å synleggjera denne gjennom nettsidene til fylkeskommunen. I tråd med retningslinjene skal Utval for kultur, idrett og regional utvikling (tidl. Kultur- og ressursutvalet) avgjera kva søknader som skal prioriterast etter innstilling frå Fylkesrådmannen.

Ved prioritering skal det leggjast vekt på følgjande moment (i uprioritert rekkefølge)

- Tiltak med særleg høge opplevingsverdiar og stort formidlingspotensiale
- Tiltak med stort lokalt engasjement
- Tiltak i kommunar der det ikkje tidlegare er skjøtta og tilrettelagte arkeologiske kulturminne
- Tiltak med Universell Utforming
- Kulturminne som er prioriterte av kommunane

I tillegg er det krav om at det skal vera starta opp arbeid med kulturminneplan i den aktuelle kommunen, samt at det aktuelle kulturminnet skal stå på BARK-prioriteringslista.

### Oversikt over innkomne søknader for 2019 (i vilkårleg rekkefølge)

Hordaland fylkeskommune har motteke totalt seks søknader om BARK-midlar for 2019.

Vollane- <i>Kulturminneskilt</i>	Bergen kommune	(25.000,-)
Skipshelleren – <i>skilt om tilrettelegging</i>	Vaksdal kommune	(11.500,-)
Skaganeset/kvalvågen – <i>Kulturminneskilt</i>	Sund kommune	(50.000,-)
Kulturminne på Aganeset – <i>Kulturløype</i>	Vikebygdkrinsen, Ullensvang	(25.000,-)
Kulturminne på Seim – <i>Kulturminneskilt</i>	Granvin kommune	(25.000,-)
Del av Nordmannslepa – <i>Restaurering</i>	Lekve og Syse grunneigarlag, Ulvik	(25.000,-)

**Revidering av prioriteringsliste for utvalgte arkeologiske kulturminne (BARK)**

I 2012 vart det gjennomført ei registrering av aktuelle tilretteleggingsprosjekt for arkeologiske kulturminne i fylket. Kommunane vart invitert til å koma med innspel og det vart utarbeidd ei liste med prioritering. Lista vart vedteken av fylkesutvalet i sak 280/12 21.11.2012. Utarbeidinga av prioriteringslista var ei bestilling frå Riksantikvaren knytt opp mot etableringa av Bevaringsprogram for utvalgte arkeologiske kulturminne (BARK).

Ei slik liste kan aldri vera statisk. Nokre prosjekt kan visa seg å ikkje vera mogleg å gjennomføra på ein god måte, og nye kulturminne kan fanga interessa til lokalsamfunna. Lista skal spegla ikkje berre fylkeskommunen sine prioriteringar som regional kulturminnemynde og omsynet til geografisk, tematisk og tidsmessig balanse, men òg lokale prioriteringar og ynskjer. Ettersom lista er politisk vedteken må endringar skje gjennom politisk sak. Det er komme fleire ynskjer om endringar i lista.

**Inn på lista**

- |   |                                   |
|---|-----------------------------------|
| ▪ <b>Kulturminne på Aganeset, Ullensvang kommune</b>      | <b>Askeladden ID 229190 m.fl.</b> |
| ▪ <b>Ferdsleveg, del av Nordmannsslepa, Ulvik kommune</b> | <b>Askeladden ID 108369</b>       |
| ▪ <b>Gravhaug på Fløen, Bergen kommune</b>                | <b>Askeladden ID 113867</b>       |

At det kjem innspel om ynskte endringar er eit teikn på sterkt lokalt engasjement. Kombinasjonen av regionale og lokale prioriteringar og godt samarbeid mellom desse nivåa er viktig for å få gode prosjekt innan tilrettelegging og formidling av kulturminne. Fylkesrådmannen vil difor tilrå at alle dei framlagte prosjekta vert ført inn på BARK-lista.

Til saman er det komme inn godkjente søknader til ein sum av: **161.500,-**. Sjå vedlegg for oversyn over søknadene med fylkesrådmannen si grunngjeving til kvar søknad.